



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

14. Recordatio peccati, remedium est humilitatis.

urn:nbn:de:hbz:466:1-45699

ob quam se se demittunt, qui magna, immò & qui miracula efficiunt. Sciunt enim, se non tantum miracula, sed etiam peccata fecisse; eaque propter superbiendum non esse, cùm peccatum sit ipsorum, miraculum Dei. Neque alij intumescunt, quando aliquid præclarri præstant, scelerum suorum memores. Cur enim turgeant, si homini dederint rosam, qui Deo dederint alapam; aut, si non dederint, fortè adhuc daturi sint? Has ergo ob caussas secundum ^{etiam} meritò omnes, infra omnes deprimere possant, ut eunctis sint superiores, qui se se nullis anteponunt. *Nihil excelsius humilitate,* ait S. Ambrosius, *qua quasi semper superior nescit extolliri, quia nemo id affectat, quod infra se indicat.*

Volaterranus alijq; referunt, multos mortales bello captos, aut quia fides eorum suspecta esset, ad pedes Friderici I. Imp. ex Cisalpina Gallia in Germaniam redeuntis supplices iacuisse, albis vestibus amictos, veniamq; petiisse in patriam abeundi. Qua impetrata, postliminiò reuersi, voto, in eo habitu perseverasse dicuntur; lanificio & orationibus dediti. Vnde *Humiliatorū Ordo* nomen traxit, postea ab Innocentio III. primùm, inde ab alijs Pontificibus confirmatus. Hic Ordo, et si postea alia passus, interiorit, spirituali tamen modo reuiuiscit. Nam omnes pīj sancti; homines inde sunt humiles, vnde humiliati. Meminerunt quippe, se olim in captiuitate dæmonis, Deoq; perfidos fuisse, & in primis Parentibus, præuaricatos, in Baptismo, in Poenitentia sacramento, supplices veniam, potestatemq; cælestis patriæ adeundæ consecutos. Quare, quidquid postea præclarri gerunt, non rapiunt in glorias inanis, neque sibi de eo vanè complacent, quia semper recordantur, se esse peccatores. Frænum illis optimum est vanitatis, memoria delictorum: cùm etiam Epaminondas solitus alias prodire vñctus & fronte exorrectâ, postridic conflictus cum Spartanis, ad Leuctra, quantumuis victor, sordidatus & vultu deiecto sit progressus, similem ob caussam. Nam requirentibus, Num quid ei tristius accidisset? Nihil, inquietabat, verū heri animaduerti, maiores me, quām decebat, animos gessisse. Quare nimiam animi effusionem hodie coerceo. Ad hunc modum vel miraculorum patratores cristas demittunt, cùm in memoriam renocant, se deliquisse. Neq; supercilios rem dignam

XIII.
Volat. lib. 21⁴
Sab. lib. 5.
En. 9. Polyd.
lib. 7⁴

Plutarch. in
Apoph.

Ooo 2 iudicant,

iudicant, si multa mala, quæ perpetrauerunt, aliquibus operibus bene gestis compensent. Sic à malis natum ex ipsa malorum cōpensatione periculum quodam modestiæ freno cohibetur.

XIV.

Timoth. 1. 13.

Gal. 1. 13.

Act. 22. 19.

1. Tim. 1. 15.

1. Cor. 15. 9.

Ephes. 3. 8.

Hinc profunda illa humilitas, & prorsus admiranda D. Pauli Apostoli nata est, vtiq; cum magna illius sanctitate coniuncta. Semper enim recordabatur eorum, quæ malè fecerat, immò ea palam de se fatebatur; neque ea leuia sanè. ait enim : *blasphemus fui, & persecutor, & contumeliosus*: item *supra modum persecutar Ecclesiam Dei, & expugnabam*: item, *Cum funderetur sanguis Stephani, ego adstabam, & consentiebam, & custodiebam vestimenta interficiens illum*. Hæc memoriā voluebat, ne magnitudine reuelationum extolleretur. Quando autem cum alijs conferebat se se, non imitatus Pharisæum ad factorum suorum iactationem, aliorumque contemptum, versus est; sed se inter peccatores pri-

mum, inter Sanctos ultimum collocauit: *Christus IESVS, inquietabat, venit in hunc mundum peccatores saluos facere, querum primus ego sum*. Item : *Ego sum minimus Apostolorum, qui non sum dignus vocari Apostoli, quoniam persecutus sum Ecclesiam Dei*. Et alibi : *Mibi omnium Sanctorum minimo data est hec gratia, vbi per Sanctos intelligit omnes fideles, qui erant in Ecclesia*. Igitur illud vas electio-

nis, ille Doctor gentium, qui in oculis Dei unus erat ex maximis

Apostolis, immò etiam ex primis in sanctitate, ille orator, illa

cælestis tuba, ille qui per excellentiam Apostolus appellatur, in

suis oculis erat omnium fidelium postremus, & primus omnium

peccatorum. Quo pacto sic, ô Apostle, de te potuisti iudicare?

Nempe ea ars, immò virtus tua fuit, vt in tua cum reliquis com-

paratione, non aliorum peccata, sed virtutes aspiceres; tuarum

autem virtutum immemor, peccata solūm tua, tibi ante oculos

poneres, eaque exaggerares, longè secus ac nos facere solemus;

Qui non videmus manica, quod in tergo est;

in illam enim coniçimus nostros errores & delicta; si quid autem laude dignum à nobis factum existimamus, illud identidem animo voluimus. Hinc intumescimus, hinc nostra magis facimus, & aliena parui pendimus, immò alios contemnimus, quia ad eorum virtutes cæci, & Tiresia, ad vitia oculi & Argi sumus. Nimis

humen diuinum excludimus, quia, vt D. Bonaventura è S. Gregorio

animad-